

# 永樂大典

卷二千二百十七

永樂大典卷之二千二百十七 六模

瀘

洪武正韻龍都切水名許慎說文瀘從水盧聲洛乎切顧野玉玉篇力吳切宋重修廣韻州名在蜀丁度集韻水名出梓柯郭守正紫雲韻水名在蜀一名若水出旄牛徼外入江今萬州有盧津關三四月經之必死諸葛亮五月渡瀘言其艱也楊桓六書統來母瀘是聲瀘是音熊忠韻會舉要半徵商音又州名古捷為地趙謙聲音文字通來沽切古借盧此績收韻會定正來模切字切來模來零連瀘

篆 瀘 徐鉉 隸 瀘 六書 統 篆韻 書

永樂大典

卷二二二二七

瀘州

親領縣三 江安 納溪 合江

圖

建置沿革

分野

至到

城池

坊巷街道

鄉都

風俗形勝

戶口

田糧

土產

山川

宮室

官制

公署

倉庫務

驛道

寨道

兵防

古蹟

名宦

人物

僊釋


列女


文章






江安縣圖





合江縣圖





建置沿革

本州 大明清類天文分野之書為貢梁州之域東并與鬼之分。周春秋為巴子國秦屬巴郡漢武帝分置捷為郡而郡之江陽符縣即瀘州域也東漢建安十八年立江陽為郡晉又置東陽郡宋齊因之梁置瀘州治馬湖江口隋大業三年州罷為瀘川郡還治于此唐武德六年後置瀘州天寶元年改瀘川郡乾元中復為瀘州五代王建孟知祥繼有其地宋宣和元年為瀘州軍節度嘉熙三年遷治江之南景定二年改為江安州元至元十二年復名瀘州十五年復還故治二十二年隸重慶路總管府

本朝以州近成都直隸四川布政司圖經志謹按瀘州分野當參井之次在禹貢屬梁州周雍州之域春秋戰國時為巴子國地秦屬巴郡兩漢時屬捷為郡蜀章武元年立江陽郡隸益州晉南北朝並因蜀梁兼立瀘州後周因之隋為瀘川郡唐武德為瀘州天寶為瀘川郡屬劍南道自唐分東西川為兩軍州事統屬於梓而瀘以支郡隸之宋政和間置瀘南安撫使司旋移梓夔路兵馬鈐轄建炎末陞都鈐轄去夔不兼乾道間復正潼川路安撫使之名統屬三縣曰瀘川曰江安曰合江無納溪縣元初仍立瀘州安撫使司罷瀘川縣設納溪縣後華安撫司立瀘州隸重慶府欽惟

永樂大典卷三百十七

聖朝奄有區宇以瀘州地近成都直隸四川等處承宣布政使司仍領縣三曰江安曰納溪曰合江案宇記瀘州在川郡今理瀘川縣禹貢梁州之域春秋戰國時為巴子國秦為巴郡漢為捷為郡之江陽符二縣地後漢因之晉於此立為江陽郡宋齊因之梁大同中置瀘州遠取瀘水為名華陽國志云瀘川縣本漢江陽是昔漢光武微時過江陽生一子望氣者言江陽有貴兒王莽求之縣人殺之後光武怒為子立祠請江陽人不使冠帶按郡地則江山所合故水經注云綿水至江陽縣方山下入江謂之綿水口隋煬帝時州廢置瀘川郡唐武德元年復為瀘州領富世江安綿水合江來鳳和義六縣武德三年置總管府管一州九年省來鳳縣貞觀元年置思隸思遠施陽三縣二年置隆越縣屬榮州八年割和義屬榮州仍置涇南縣又省施陽縣十三年省思隸思遠二縣十七年置漆珍二州儀鳳二年又置晏納奉浙鞏陰六州載初二年置順州天授元年置思義州天授元年置清州大足元年置能州並屬瀘州都督凡十州天寶元年改為瀘川郡依舊都督乾元元年復為瀘州宋朝乾德五年并綿水縣入江安縣割富義縣為富順監郡縣志瀘川軍節度治瀘川縣禹貢梁州之域春秋戰國為巴地秦屬巴郡武帝分置捷為郡今州即捷為郡之江陽符陽

二縣地漢建安十八年益州牧劉璋始立江陽為郡先主入益州遣諸葛亮張飛等引兵泝流定江陽即今州域也梁大同中置瀘州隋大業三年為瀘川郡唐武德元年復為瀘州天寶元年改為瀘川郡乾元元年復為瀘州宣和初升節度賜名瀘川軍元豐五年梓夔路兵馬鈐轄司自遂州移瀘守臣兼鈐轄又兼瀘南沿邊安撫使政和五年御筆帶梓夔路兵馬都鈐轄瀘南安撫使去沿邊守七年仍舊以沿邊安撫使入街建炎初張浚宣撫川陝奏請梓夔路鈐轄各專其任梓夔之分始此然夔利路既分各陞安撫惟瀘南止帶沿邊安撫使統隸不過三州乾道六年樞密院檢詳王之奇奏請始升為潼川府路安撫使江陽郡舊治江陽今江安縣是也舊志載晉太康二年移郡於支江汶江合流之際在舊城北一里今郡治是也舊城不可復考然江南有平田名舊州垣舊志又載梁大通中初置瀘州移治馬湖江則瀘豈嘗治樊道之境歟元一統志禹貢梁州之域天文東井輿鬼之分野此據國經漢書天文志以禹貢參之分野唐志以禹貢參之分野春秋戰國為巴子國秦屬巴郡漢武帝分置犍為郡而郡之江陽符縣即瀘州域也東漢建安十八年劉璋分立江陽為郡以都尉廣漢成存為太守王象之紀傳所云與地廣記小異十九年蜀先

主入益州諸葛亮分遣趙雲從外水定江陽犍為晉穆帝時桓溫舟師伐李勢軍次江陽後為夷獠所沒寄治武陽宋志江陽郡下云東江陽太守何志云晉安帝初流寓入蜀今新復舊土為郡領縣二曰漢安曰梓水穆帝又置東江陽郡元和郡縣志治瀘州宋齊因之梁置瀘州取瀘川以為名仍治馬湖江口隋大業三年州廢為瀘川郡遷治于此唐武德六年復為瀘州仍置瀘州都督府添珍晏納奉浙鞏陰順思峨涪能等十州天寶元年改瀘川郡乾元中復為瀘州五代王通繼乾寧四年王建將王宗技瀘州孟通繼長興二年孟知祥將林武取在州繼有其地宋乾德三年平蜀陞為上州熙寧中乞弟犯順經制韓存寶逗遛不進詔斬之于瀘以林廣代之廣討乞弟至歸休州受乞弟降以歸初為夔路兵馬鈐轄置司於瀘至是又兼瀘南沿邊安撫使專理軍政按通鑑元豐五年間詔徙鈐轄司於瀘仍兼沿邊安撫使宣和元年陞為節度賜名瀘川軍二年令瀘州守臣帶潼川府夔州路兵馬都鈐轄瀘南沿邊安撫使此據會要云既而去沿邊安撫外如志在政和五年尋仍舊以沿邊安撫使入街建炎間四路各建帥府分委邊防而夔路鈐轄猶兼於瀘南張魏公浚宣撫川陝奏請各專其任而夔梓始分乃各陞本路惟瀘州正帶職名曰沿邊安撫統

# 永樂大典

## 卷三二二七

隸不過三縣。乾道六年。王之奇以檢詳建言。乞以瀘南為潼川安撫使。俾得刺舉一道。自是權任益重。瀘州為一路安撫。自梁介始。帥司所統。潼川資昌。普敘。榮遂。合果。廣安。長寧。懷安。渠富。順一十五郡。前後皆報在朝名。臣任之。蓋以瀘為重鎮。控制南蠻。邊面數百餘里。嘉熙三年。以兵亂。遷治江之南。淳祐三年。余玠制置四川。令諸郡據險。建築於州之下流。四十里有山曰神臂。委曹致大創築城壁。就領安撫。使行州事。景定二年。安撫劉整以城歸附。即本朝中統二年也。宋復取之。改為江安州。時所隸之州。惟瀘叙長寧富順餘已歸土。至元十二年六月。行樞密院部大軍收復嘉定。順流東下。安撫梅應春迎師納款。授本州安撫。使復名瀘州。在德祐二年。十月。復之。應春遂為所執而去。十五年正月。本朝平蜀。命安撫趙全還。故治隸四川西道宣慰司。十八年。改隸南道宣慰司。二十年八月。罷安撫司。止行瀘州事。初設錄事司。至是同瀘川縣併入本州。通管二十二年九月。隸重慶路總管府。元領瀘川。江安。納溪。合江。四縣。樂共一城。仁懷。大洲。政和。鎮溪。板橋。梅嶺。六堡。九支。平永。史君。綏遠。安溪。安遠。博壁。江門。八寨。自王世昌奪城堡。寨遂空。惟餘江安。納溪。瀘川。合江。錄事司。樂共江門。今四處並廢。惟領縣三。

永樂大典卷三二二七

十

江安縣。大明清類天文分野之書。漢江陽縣地。漢末為江陽郡。晉穆帝永和二年。又置漢安縣於此。隋改為江安。屬江陽郡。唐屬瀘州。舊縣城在汶江中州。水數為害。遷於南岸。貞觀元年。置思遠。施陽。三縣。尋俱省入江安。宋乾德五年。省綿水入焉。元至元二十年。併江安入本路。通管後復置。

本朝仍屬瀘州。圖經志謹按石碑記云。江安。古江陽地也。晉永和二年。置漢安縣。隋開皇十八年。改漢安為江安。唐宋元亦名江安縣。隸瀘州。欽惟聖朝。因而不革。仍隸瀘州。輿地廣記。本漢安縣。東漢置。屬犍為郡。蜀為江陽郡。治晉宋齊梁後周皆因之。隋屬瀘州。開皇十八年。改曰江安。唐因之。故縣水。錄漢江陽縣地。梁置。屬江陽郡。隋屬瀘州。唐因之。宋朝乾德五年。省入江安。有方山大江。錦漢。元一統志。本漢江陽縣地。漢末為江陽郡。晉中興書云。穆帝永和二年。漢安獠反攻郡縣。又置漢安縣於此。舊唐志云。隋開皇十八年。改為江安。屬江陽郡。唐屬瀘州。舊縣城在汶江中州。水數為害。遷於南岸。唐志。貞觀元年。以夷獠戶。置思遠。施陽。三縣。尋俱省入江安。九域志。宋乾德五年。省綿水入焉。至元十二年。瀘州安撫梅應春。領衆歸附。又兵亂。民散。戶口凋零。更不設官。惟樂共。設知城一。負任之。二十

年八月併城入本路通管今治在故基。

納溪縣 大明清類天文分野之書宋皇祐三年於納漢口置軍寨元豐元年徙都巡檢使主之紹定中陞寨為縣縣治距州城下流三十里元寨堡俱廢惟餘江門寨至元二十年併寨入縣而屬瀘州焉。

本朝因之圖經志納溪古寨名無縣治昔諸葛武侯平雲南於漢右立寨降自趙宋仍作寨至前元始立納溪縣治隸瀘州今因之元一統志本當阿永要衝宋皇祐三年於納漢口置軍寨委七州都巡檢使任責防托蠻獠元豐元年移都巡檢使於寨中主之紹定中瀘南安撫使楊汝明以蠻出入無常陞寨為縣管一寨四堡即江門寨大洲政和鎮漢板橋等堡是也縣治距州城下流三十里有二水合流支水田阿永發源合流縣治之東與大江會宋時設立寨堡元至元十年梅應春領眾歸附明年因兵亂寨堡俱廢惟餘江門設寨一負二十年八月併寨入焉。

合江縣 大明清類天文分野之書漢武帝使唐蒙將萬人往巴符關入夜郎即此東漢為符縣屬犍為郡晉屬江陽郡穆帝於此置安樂郡宋齊並為安樂縣梁改曰安樂成周保定四年罷成置安樂縣隋開皇十八年改縣曰合江唐元和十二年移治舊縣宋移治安樂故城元至元十五年。

永樂大典卷二百七

立縣於神臂江南濟民市。

本朝因之圖經志謹按文廟古碑記云合江縣古符陽縣漢曰符節唐曰符陽宋曰合江元曰合江隸屬瀘州欽惟

聖朝因而不革元一統志本西漢志符縣地輿地應記云漢武帝使唐蒙將萬人往巴符關入夜郎即此東漢志曰符縣屬犍為郡晉志曰符屬江陽郡元和志云晉穆帝於此置安樂縣宋志南齊志並有安樂縣元和郡縣志又云梁改曰安樂成周保定四年廢成置安樂縣隋開皇十八年改縣曰合江以江在縣側合流為名隋志以改合江在後周當從隋志唐元和十二年移治舊縣以便水陸貿遷之宜從東川節度使李逢吉之請也宋移治安樂故城紹聖元年以合江縣尉掌簿正改為主簿別置縣尉居州治下流一里濱大江之南其東有大小兩溪合流於縣治下與大江會舊管九峯平泉綏遠吏君安溪五寨仁棟一堡元至元十二年梅應春領眾歸附明年王世昌亂十五年蜀既定然寨堡已廢今立縣於神臂江南濟民市。

郡名

本州圖經志謹按江安縣縣碑誌云據漢地理志瀘水出梓柯之句呵水

經若水出梳牛嶺外。東北至捷為朱提縣。西瀘江水。又東北為雙道縣。入于江。或謂馬湖江。寰宇記謂孔明五月渡瀘。即馬湖之上流也。今之所謂瀘。蓋遠引乎名耳。自梁以瀘名州以來。雖後周隋唐宋元因革不同。然瀘之名。實本嘗易也。欽惟

聖朝亦演為郡望焉。

江安縣圖經志謹按江安縣。古江陽地也。自隋開皇十人年。改漢安為江安。因演為郡望焉。

納溪縣圖經志縣名。古之有溪。上控水寧界首。下注瀘江。昔諸葛武侯平定雲南。蠻夷納貢。而出此溪。因名納溪。又曰雲溪。

合江縣圖經志自漢時有符樹其葉如符篆。因名符陽。又以前帶大江。右枕安樂溪。二水相合。因名其縣。

分野

本州江陽諸東井與尾之分也。是為鶉首。周禮職方氏。合梁州於雍州。即秦分也。漢地理志。秦地於天官。東井與尾之分也。自井十度。至柳三度。謂之鶉首之次。為秦之分。其界南有廣漢。為中屬焉。晉天文志。越萬里為已蜀。皆皆參之分。廣天文志。東井與尾鶉首也。西南盡已蜀。漢中之地。

永樂大典卷二千二百七

十三

及西南夷。魏為越。為益州郡。極南河之表。東至牂牁。古秦。梁益為蠻。皆皆杜有。危室。漢廣蜀羌。皆之國。後星在江河上。原之西。故天犬鶉。皆徽外之。西是吐蕃谷。及西南微外。夷人曾占。後星。

至到

本州圖經志東至合江縣界十壩山。一百二十里。西至叙州府富順縣界。馬垭口一百里。南至納溪縣。歌堂鋪三十里。北至重慶府榮昌縣。馬面山一百零五里。東到合江縣。一百八十里。西到叙州府富順縣。一百六十里。南到納溪縣四十里。北到榮昌縣。一百四十里。東南到蠻界。大佛崖八十里。西南到江安縣。一百二十里。東北到重慶府永川縣界。解市茶店子一百二十里。西北到重慶府榮昌縣界。三層崖一百二十里。

江安縣圖經志東至本州納溪縣。清溪界五十里。西至叙州府南溪縣。天生橋界三十七里。南至叙州府戎縣。火樓底界一百三十里。北至叙州府富順縣界。道祝山五十里。東到納溪縣九十里。西到南溪縣六十里。南到戎縣一百四十五里。北到富順縣。道祝山五十里。東南到九姓。長官司水心。填界。一百六十里。西南到長寧縣。亂石山界一

十里。東北到本州南井鋪界六十里。西北到富順縣食祿溪七十里。納溪縣。圖經志縣領在城。蘆延鎮溪三鄉在城。至江北去縣二十里。蘆延在西。去縣五十里。鎮溪在南。去縣八十里。東至本州界。忠信鄉水黎場一十五里。到本州四十里。共計五十五里。南至水寧宣撫司界。江門驛一百六十里。到水寧宣撫司一百二十里。共計二百八十里。西至江安縣界。水鄉地名清溪四十里。到江安縣五十里。共計九十里。北至本州宜民鄉地名方山三十五里。到本州三十里。共計六十五里。東南到本州忠信鄉地名大佛崖六十里。至本州八十里。共計一百四十里。東北到本州界。歇堂鋪一十里。至本州三十里。共計四十里。西南到九姓長官司。地名魯灣一百六十里。至九姓長官司二十里。共計一百八十里。西北到本州宜民鄉地名李子坝一十五里。至本州五十里。共計六十五里。

合江縣圖經志東至播州宣慰司。羅支坝界一百里。南至水寧宣撫司。夾聖山一百里。西至本州十壘山界六十里。北至重慶府。江津縣浦坝三十里。東到播州宣慰司。一千零五十里。南到水寧宣撫司二百里。西到本州一百二十里。北到江津縣一百四十里。東南到播州

永樂大典卷二千一百七

宣慰司。赤崖界四十里。西南到播州。地險壘界一百三十里。東北到重慶府。江津縣。石甕坪界五十里。西北到重慶府。永川縣。鷄公山界四十里。

城池

本州江陽諸羅城。宋初郡無城。僅設籬寨。皇祐二年。始易以木柵。三年。群牧判官蔡充。乞添築城壁。起蓋舍屋。下本路轉運司相度。謂徒費而止。皇祐三年十月初七日。轉運司奏。准樞密院劄子。相度羣牧判官蔡。竊見茂本州江安縣。有井等處城壁。本州只是木柵。自後雖有步少城壁。又地低小。盡是沙石。比土。彼處夏秋多霖雨。遂致倒塌。且欲乞令逐時添築城壁。務要牢固。當於側近採刈柴茅。逐旋學置燒變磚瓦等。於城上並令修起屋宇。不惟遮蓋得城壁。又得樓櫓之屬。備具。所費易為據守。本司勘會。本州先有蘆南江院。在大江北岸。前後地形窄狹。別無餘剩基址。其本州自前元是籬寨。後來是前任臣蔡。曾置更變。靠江一壁。籬寨作木寨。以柴杆蓋。經及年久。別無關隘。靠江一帶木寨脚下。並是沙散沙土。每遇夏月。江水泛漲淹沒。上件木寨倒塌。今來若於木寨處。築立城牆。要是難以修葺。虛有費耗。舊多科木於三縣修葺。或官給直。嘉祐七年。州以水患。依例科寨

# 永樂大典

卷二二二七

本於三縣。共一萬七千餘條。慮輸納病民。每條官給錢二十。治平元年。又  
支出賣運材價錢。并不係著頭子錢。今竹木行人估實直。每十條抽買。長  
一丈二尺。徑四寸。兩段。更不物入戶出。備見舊制。元豐六年。帥王公光祖  
奏陳。乞下梓州路轉運司。貼差廂軍作一千五百人展築。見邊防官至崇  
寧五年七月。兩江漲溢。水勢湍猛。漂散木柵材料。則元豐所築土城。其上  
猶是木柵也。據本州今案。寧五年都水監陳。准尚書工部符。准都省送下  
梓州路。提點刑獄司狀。本司據本州狀中。七月初五日。節次據廂軍。并修  
城壕寨司等處申。今月初四日夜三更已後。大江并及江水漲溢。自外入  
城。水勢湍猛。漂散木柵材料。相連十字街口。併合流注。淹浸城壁。官私屋  
宇等事。州司已節次行遣。分頭差官同與都監照管城壁。及運差撥壕  
寨壯成。先軍兵巡守。護土城。收救木柵材料。并備瀘川縣。及江安合江縣。  
差撥渡船救接倒塌漂漲木柵材料。無令散失。并通行告示。被水人戶。各  
擇智於高阜處安泊。大觀元年。始令做泗州規模。瀕江用石壘砌。就上築  
城。修建樓櫓。今轉運使喬方。應副營造。大觀元年七月二十三日。三省樞  
密院。同奉聖旨。訪聞本州鄰近是人。武備不可失。其城屋修築。派製依  
樣。估薄。屢經江水泛漲。飄溺津浸。即令大段預辦。可下本路給轉司相度。

## 永樂大典卷二二二七

十四

若瀕江用石壘砌。岸。做泗州規模。就上築城。修建樓櫓。法梓州制度。或  
能乘勢成。即暫營水邊。居民地望。將之憂。城壁有金湯之固。築本上易  
得石木。計置不高。難事。僅得敢才幹。非久可以告成。今梓州路轉運州  
官喬方。專一應副營造。見本州今。二年更命趙邁。然未暇興役。政和五年。  
又以詔郡守康公師魯。且遣使相視。時朝廷更置儒守。而孫公義。實來  
詔復委以檢會。趙邁。康師魯。已得旨。立限修築。凡役六十二萬五百七  
十六工半。費二十一萬三千有餘緡。其東瀕江以石砌隄築城。其上計五  
百八十五丈。一千一百七十步。石隄高一丈。外增築土城五尺。鵲臺女牆  
七尺。通高二丈二尺。下闊二丈。上收面一丈。其三面並築土城。計六百六  
十四丈。一千三百二十八步。鵲臺女牆七尺。通高一丈三尺。下闊三丈。上  
收面一丈五尺。周城之基。得六里三百三十八步。城屋共一千五百七十  
四楹。有圍敵馬。面甕城有門樓。於是郡城始周而固。六年。孫公。又乞以所  
餘三萬緡。別葺歲之。以為來者修葺之備。有旨從之。今謂之修城庫。孫自  
為記云。政和六年正月二十九日。樞密院劄子。奉御筆。應令。淮南轉運使  
廣。瀘州城壁非壯麗。何以守禦。且示威靈。仰孫義。會趙邁。康師魯。  
已得指揮。支撥軍與所餘錢緡。通官差人嚴上。近限。修完了當。其分用數。

次及已興工役。遂旬具奏。尋遵奉聖訓施行。每具畫一奏聞。乞依趙遵元檢計一百三十七萬二千三百五十七工。人工錢糧材料等價錢。共二十五萬五千四百九百一十一文。分為二十料。價併日限修築。約限半年了當。後奉聖旨依奏。自被受御筆後來移牒轉運司。取撥軍興所餘錢糧。一面。選官差人於諸處置買材木。入山採打石條。和顧人工。及將所修城壁。周圍一十二百四十九丈。分為二十料。內東壁瀕江一帶。以石砌護。就上築城。其餘西南北三面。並築土城。皆起屋蓋護。城宇屋圍散為面寬城門樓等。工乃浩大。日役兵匠七十餘人。若稍失關防。則人工偷墮。在費錢糧。自三月一日下手興工修築。至十月十五日畢工。尋關原本路廉訪使者郭衛。依御筆議分。覆按訖。除已畫圖進呈外。伏自興役已來。春夏日水。無人偷墮。日夕比較工課。備先董役官更用心。別無杜費工料。都役過人工兵匠。六十二萬五千七百七十六工半。比趙遵元計料減省。得七十五萬四千八百一十六工半。其錢糧除撥留支用外。約有餘剩數月。尋於十一月二十二日措書具狀奏聞訖。郭移應副支使。內一項契勘。今來城壁雖了。向去年深。風雨所叩。舍屋樓櫓。亦要修換。理當隨手完葺。若後關轉運司支撥。係有發給計開雜理濟。歲月廢火。損劫所費。乞令相應款已於修城

永樂大典卷三十二百十七

除剩錢糧內撥三萬貫。撥充修城本錢。餘四萬庫條例。每歲收息。專充增修城壁支使。若輒將他用者。乞依開正月十三日聖旨旨擇。以自益論。仍委提刑司廉訪使者。常切覺察。無檢施行。至今年正月初五日。奉改和六年十二月八日尚書省劄子。十二月五日奉聖旨依奏。七年立石。紹興十五年。馮公楨再請修築。其東偏自南之北。五百八十五丈。悉以石甃。上以避水患。其三面如故。而改築廣於舊城。二里四十步。通為九里一十八步。改建樓櫓。鼎新雉堞。爰然周道。雄壯甲兩蜀。嘉定十年。風雨大作。折木發屋。土城頽者半。范公于長安路鈴彭懌駐泊。郭申之重修。范公自為記。又改門名三。其南安表。曰來遠。其西興化。曰保障。其東關市。曰通海。來遠。通海。二門。魏公了翁。范公自書。令門九。東通海門。舊曰關市。以稅務在其左。取關中機而不征為之右。范公于長以門之外。有灤江亭。為賓餞客舟之所。舟行即來至海。故改今名。通津門。舊曰大善門。俗呼尼姑門。內即大善尼寺。復改今名。東南臨江門。俗呼新水門。涉江而東為蒼崖渡。渡之上為崇德原廟。南來遠門。舊名安夷門。俗呼南門。內即郡學。外即歸溪。溪橋上有唐郡督蘇公德充甘泉記。備城左為圍敵。上有亭曰南亭。董公誠建。亭下有華勝石幢。神馮公楨於長安之日。置石幢于



此。及兩江合流處。亦置一石幢以警水患。有屋覆之。工藝精絕。惟成公自  
往作佛事。以致倚焉。今屋廢。但不僅存。西南敷政門。係時武寧門。蓋以  
武寧指揮在焉。故名。西保障門。舊名興化門。范公于長。以由是而升堂  
山。且取保障之意。以爲名。門之外爲覽城。中亭曰愛山。西北汲水門  
在時射營後。紹聖元年。以營無井泉。於營後開門取水。應制人馬。北朝  
天門。出是門。即起善京之道。故名。嘉定十年。范公于長。改建門樓。更書其  
額。樓之右有門。與神治接門之外。爲覽城。建乎其中。曰肅詔。東北濟川  
門。俗呼小川門。蓋聲訛矣。凡江北兩岸。未注者。皆出入於是門。故名。又  
東北有廢門。一俗呼水門。在濟川門之右。不詳其塞之由。備門而左行。則  
爲圍敵。圍敵之上。爲海觀。海觀之下。即營水石幢。幢下接兩江之會。裏  
城。于城據開禧志記。但云舊圖經載諸官廨。在于城西北。呼今鈴轄節  
推錄參司戶四廨。不在于城之內。其在內者。獨通判鈴轄撫幹節判廳而已。  
興築之始。既不載。而周圍高厚。俱不可考。官廨與民接者。雖僅有墻塔  
而內外壕塹。亦莫之見矣。舊曰門三。今考之門凡四。南樵門。治平三年。  
守周公永懿建。合江知縣鄭輝爲之記。淳熙元年。大神李公憲重建。上揭  
州榜。九年。丞相趙公俾以總領。馮公憲大書易舊額。慶元元年。范公仲藝

以三刀多芒刀。持爲改書五門。而前二百步。爲軍門樓。嘉泰三年。帥王公  
敷。遵州治之舊。策軍閫。以建上揚軍額。亦爲公憲書。樓之北向。揭許公奕  
所書。南樓二大字。刻漏本之燕肅所製。蓋以石爲之。其池一闊二尺七寸。  
深一尺四寸。順闊一尺八寸。其形方。平池一深八寸。徑二尺。其形圓。水斜  
一。深二尺四寸。徑一尺五分。其形立而長。其石皆厚丈。止以則水鼓十有  
二枚。角十有一。一。銅鉉九。面上鑄錫與半。已十月。造宇。前二十有五枚。東  
一。深一十九。凡十九。家編爲一會。春秋十四會。五會爲一。夏十三會。爲一  
。冬十七會。十八會爲一。視二至二分。刻數增城。碑架共長一丈四尺  
七寸。嘉定九年二月二十八日。地大震。其石池皆壞。帥范公于長。以其州  
闕。器精於時刻。命工製達以來。置于善達堂。後遷於此。衙東門。入門而  
左。爲熙春園。仲春花卉盛開。則開園門。與民同樂。月餘乃罷。西門。出自  
州倉。通都教場。遇是軍。種則開之。以便出入。東北門。在朝天門之側。爲  
菜門。設而不開。

江安縣江陽譜江安縣城。嘉定十五年。權縣令關師古。改築四門。連接其  
上。邑人即遷揚於其南門。爲樓記。其略云。縣治背大江。向南山。諸峯橫陳  
于前。如拱如揖。自縣樓望南城樓。直如引繩。樓歲久頽廢。過者痛之。嘉定

永樂大典 卷三十三百十七

十四年。遂寧府長江縣主簿關春。奉贊紳華。沿檄播邑事。始生朱榮善額。政令求以便民。念壤地狹遠。即營葺東西北城樓。而聯明之宮。因陋就簡。恐無以威民和通壯氣。遂拓開南城。增土為臺。臺石二尋。立木十六楹。以居其上。廣五尋。其基如臺石之數。而加二尺。費出於囊實。吏欺搆罪。浮露之餘。暮月落成。制作高明。面勢宏敞。大博曹公又捐米四十斛佐之。人為命名。扁題城門。南曰嘉靖。東曰來遠。西曰迎安。北曰鎮流。墨妙大書。人謂偉嚴。

合江縣江陽譜合江縣城 大東門 小東門 大南門 小南門 西門 北門

坊巷街道

本州江陽譜坊巷 卽西南皆山。東北瀕江。山皆支分。高下不齊。不便於建市。故其東順江。自北而南。為一長街。其坊五。其北自東而西。又為一長街。其坊一。皆皆立木為表。經大運廢。餘皆以巷陌通焉。出隸門南直軍門樓之東。達于新街。西南循班春亭。而達于保障門。東北循宣詔亭。而東達于通海門。出衙東門。而東南達于十字街。東北達于濟川門。北達于朝天門。北自朝天門。而達于十字街。為桂林坊。桂林坊 鄉士王世民居之。

永樂大典卷三千百七

十七

光緒三年。三人俱為。而世民登紹興十一年第。里人榮之。故以此名其坊。坊表大北。嘉定壬午。紳大博曹公再立。又曰北勝街。舊比較格在是。東北自十字街。以達于小橋。為仁風坊。仁風坊坊表久廢。嘉定癸未。紳大博曹公再立。東自小橋。以達于大橋。為超勝坊。內巷三。超勝坊坊表久廢。嘉定癸未。紳大博曹公再立。竿箭巷內有漢梁王廟。廟舊在竿箭巷上。後達于此。故名。高寺巷。上達高福寺。故名。大橋巷。東南自大橋。以達于來遠門。為勝紀坊。內坊一。街二。巷四。勝紀坊坊表久廢。嘉定癸未。紳大博曹公改為鶴鳴。貢文坊。在州學左百步。舊無此坊名。嘉定壬午。新立。大博曹公書額。朱紫巷。大草場巷。小草場巷。大善寺後街。七星閣後巷。縣街有表額。已上並屬古廟。西自保障門而入。以達于十字街。為清平坊。凡街二。巷三。清平坊坊表久廢。嘉定癸未。紳大博曹公再立。天犬山巷。十花營街。東軍八指揮宅於此。中溪巷。舊名馬衣巷。司理巷。引理院在焉。十字街。西南自十花營街。以達于大橋巷。為新街。內巷三。新街始興元年。大後新修。因以為名。已上並屬左廟。大悲閣後巷。運司倉在焉。懂于山巷。泗州閣後巷。又南自來遠門而出。以達于酒務街。為修德坊。內街二。巷三。修德坊舊志述然里人年

# 永樂大典

## 卷二二二七

以此名其坊。茂橋街街尾連于寶山。晉家巷巷尾連大江。傳制唐公  
 唐。嘗居于此。小胥家巷。馬軍營巷。酒務街。由修德坊。以達于史  
 君巖。為史君坊。史君坊坊尾有古穴。梁天監中。刺史陸公弼嘗納祥于  
 此。後人因以史君名其巖。後以名其坊。今史君之廟在是。餘凡何廟之類。  
 已上並屬城外近村司。

江安縣江陽譜 飛鳧坊 蟾桂坊 豹文坊 去縣南百步。與縣無絕  
 直。昔以巫神趙公雄嘗居于焉。名曰豹隱。嘉定辛巳。僅今縣師古役日  
 豹受。請于于。漢守魏公了翁。魏公為書曰豹文。止足坊邑之寓公石行  
 正平歲致仕。邑人榮之。率趨過焉。建坊額曰止足。既卒。故且歲久頽圯。極  
 今聞師古為更新之。鯤化坊 桂籍坊 屏筮坊 鳴陽坊

合江縣江陽譜本縣坊 畫錦坊 忠孝坊 觀政坊 孝感坊  
 鄉都

本州江陽譜八鄉八里三十四都。梓符舊經帶一鄉五里。舊志管七鄉八  
 里。舊分都置保。凡四大保。為一保正。各以丁力輪差。二年一代。鄉有耆長。  
 縣選材幹者充保。以察盜賊。者以督課輸。嘉定六年。朝旨行下。淳熙六年。  
 廣西帥張五司奉請施行家置事。今諸鄉結甲。五家為一甲。家一丁。丁多

之家二丁。官戶秀才以幹八代。有甲頭。五甲為一隊。隊有隊長。在市鎮者。  
 則為團長。連村止以保五副統率。所用器仗隨所有。家置柶子。有鼓者聽  
 月鼓。過益發處。鳴柶擊鼓。並出柶教其用。今不用。今前率來。不能率來。官  
 為之懲勸。於是縣各結甲中諸州。惜于皆為具文。甲隊徒有其籍耳。然必  
 有保甲。而後戶口明。保科調費之令不紊。而盜賊無所容其迹。真良法也。  
 故不可不錄。

宜民鄉應福里在縣衙郭 第一都管一保正四大保三十五隊一百六  
 十八甲八百六十家。楊村 黃村 素村 水中埧 母市 譚村

趙舜臣市  
 進德鄉四鎮里 第二都管一保正四大保一十九隊九十一甲內百七

十九家 先村埧 楊森市 趙化元鎮  
 忠信鄉南岸里 第三都管一保正四大保二十四隊一百五十九甲六

百二十二家。南田埧 蒲市 第四都管一保正四大保三十隊一百  
 四十一甲七百三十七家。三家店 鬼門關 寶鞍臺 白村 朱頭

坡 楊村 何石頭村 文村  
 衣錦鄉白芳里。在縣東北。有渡通大江。地產荔枝。最富園。初里人尹成尹

敏道純道。及先年先詔二氏。父子皆登科。且聯世姻。先代上塚詩云。不傳  
 先塋二十春。今朝忽見鮮衣新。連鄉父子墳間拜。再世登科有幾人。鄉人  
 榮之。稱名其鄉曰衣錦。第五都管一保正。兩大保。十六隊八十甲。四百  
 一十九家。羅乙卯 梁村 特坡亭 權村 第六都管一保正。四大  
 保。一十四隊。七十甲。三百六十九家。峯門坎 鳳凰臺 櫻樹鼻市  
 第七都管一保正。四大保。十四隊。六十七甲。三百五十二家。小市堤  
 大王村 胡市 喜內江通船車過往。第八都管一保正。四大保。二十七  
 隊。一百三十甲。六百八十家。高堤 新溉 賴村 第九都管一保正。  
 四大保。十五隊。七十三甲。三百八十六家。李市 文村 望市 壇 第  
 十都管一保正。四大保。十七隊。八十五甲。四百四十七家。先市元為合  
 江。初名先合江。以去縣道遠。不便供輸。元豐元年十一月。割隸瀘川縣。  
 第十一都管一保正。四大保。十七隊。八十一甲。四百二十七家。龍摩角  
 宜和三年。改高摩角村。沙坎 白市 第十二都管一保正。四大保。十  
 三隊。六十二甲。三百二十八家。任市 第十三都管一保正。四大保。三  
 十四隊。一百二十甲。六百三十九家。曹市 第十四都管一保正。四大  
 保。一團長。二十一隊。一百五十五甲。五百五十二家。沙平坎 何家店 何

永樂大典卷二千二百七

村 白村  
 安賢鄉中下里。本縣東北八十里。第十五都管一保正。四大保。五團長。  
 十五隊。七十五甲。四百家。趙市鎮 羅村 石馬平 第十六都管一  
 保正。四大保。四團長。二十隊。一百一十一甲。五百三十四家。大崖尾 舊趙  
 市 第十七都管一保正。四大保。四團長。一十八隊。九十九甲。四百七十八  
 家。丁始藍 櫻木亭 王村 李村 第十八都管一保正。四大保。四  
 團長。一十九隊。九十四甲。四百九十八家。伊村 母村 又村 何村  
 趙村 第十九都管一保正。四大保。三團長。二十七隊。一百三十二甲。六  
 百九十五家。丁石堤市 鋼鼓坎 第二十都管一保正。四大保。四團  
 長。十四隊。七十一甲。三百七十七家。立石市 楊村 第二十一都管  
 一保正。四大保。四團長。二十三隊。一百一十一甲。五百八十七家。康巷  
 鎮  
 惠民鄉井三里在縣北一百二十里。第二十二都管一保正。三大保。四  
 十九隊。二百四十一甲。一千二百五十八家。羅李村 文村 佛面村  
 第二十三都管一保正。四大保。四十三隊。二百一十一甲。一千九十一家。  
 呂市鎮 爐頭坎 彭家 第二十四都管一保正。四大保。三團長。五十

八隊。二百八十甲。一千四百六十六家。七里市有漢橋不通舟。范村  
王村 張村 第二十五都管一保正。四大保。一團長。五十一隊。二百五  
十五甲。一千三百三十二家。嘉明市 小鄭市 譚市元屬合。以地  
里遠。供給不便。元豐元年十一月。別為瀘川縣。古村落譚坎 第二  
十六都管一保正。四大保。二團長。三十四隊。二百二十三甲。一千一百五  
十六家。白崖村 牢井壇 換鷄市有漢橋不通舟。小牟市 趙王  
五小市 扼漢市

清流鄉泌江里在縣西九十里。有漢連大江。地產牛乳。蔗。柑。橘。藍。第二  
十七都管一保正。四大保。一團長。三十二隊。一百五十七甲。八百二十三  
家。懷德鎮舊名落來。鎮。宣和三年。安撫司狀奏。據落來市鄉老稱。落來  
鎮初因夷人落來。歸明於本鎮。遂呼鎮市為落來。已改換。待旨。落來鎮  
改為懷德鎮。蛇鳴 第二十八都管一保正。四大保。一團長。二十七隊。  
一百二十九甲。六百七十九家。馳魯市 藍井 第二十九都管一保  
正。四大保。二十四隊。一百一十一甲。五百八十四家。王灘頭 大先村  
多村 第三十都管一保正。四大保。一十七隊。八十三甲。四百三十七家。  
蒲村 劉村 小先村 第三十一都管一保正。四大保。一團長。二十隊。

永樂大典卷三千二百七

二十

九十四甲。四百九十六家。趙化原鎮 扼子市 何村 馬市 青山  
峽

永安鄉小溪里在縣東六十里。本隸江安縣界。紹興二十五年五月。準本  
路轉運司。坐準省部行下。撥隸本縣。第三十二都管一保正。四大保。十  
六團長。三十一隊。一百五十五甲。八百二十七家。尹市 羅市 王村  
青村 第三十三都管一保正。四大保。四團長。四十隊。二百三十一甲。一十六  
十三家。梅子坎 李村 懶始望填 第三十四都管一保正。四大保。  
十三團長。二十五隊。八十九甲。四百八十五家。魯村 曹村

江安縣江陽譜本縣一鄉。一里。八耆。三十二都。祥符舊經。一鄉曰永安。七  
里曰上明。羅刀。食祿。大洞。羅融。羅隆。小溪。九城志。一鄉同上。一鄉曰神水。  
後改鄉為神水里。仍曰上明。耆仍曰羅刀。南井。江北。羅隆。城外。舊江安羅。  
東山。南九八。今惟士人應舉。卷首耆鄉里名。至於官府稅籍。則各分隸耆  
下。故耆甲日以耆。連都。今仍以耆書。

羅刀耆在縣北 第一都管一保正。十二隊。六十甲。三百一十二家。羅  
改 梅落平 羅兒上下 鮮安九 梅谷 羅迎 羅不衰 第二都  
管一保正。十六隊。三十七甲。三百八十四家。保丁七十六家。落鷄東

上梅園 羅東 斜磨良 羅刀 第三都管一保正十隊四十二甲二  
 百五十一家 羅改郎 羅恃容 羅刀岸 梅本 第四都管一保正  
 十五隊六十二甲三百七十六家 落斜兒 苟村 水村 梅來 鄭  
 村 第五都管一保正十二隊六十甲一百五十四家 黃村 落始哀  
 落喻 落婆碎 落婆郎 麻順水 落箇章 第六都管一保正二十  
 隊三十六甲一百七十七家 梅吼 前梅由 下婆勇 落持泥 底  
 婆碎 梅良 落箇令 第七都管一保正九隊四十二甲二百二十家  
 韋劉村 先村 落斜母 後梅由 彭店 王大坦 上婆勇 第八  
 都管一保正十隊五十甲二百六十家 落箇茹 羅刑村 趙泥橋  
 上灘坵 落箇榮 楊高山 浪主  
 南井耆 第九都管一保正六隊三十甲一百五十一家 浪胡來 浪  
 婁 梅持酉 第十都管一保正十一隊五十五甲二百八十七家 落  
 尤賓市 艷坵 趙村 李村 吳楊灘 第十一都管一保正七隊三  
 十五甲一百七十六家 文村 古藏垣 胡村 楊森市 許村 先  
 羅佃 第十二都管一保正九隊四十九甲二百二十六家 南井監市  
 朱揚村 第十三都管一保正一隊長三十四甲一百七十二家 陰村  
 永樂大典卷三十三百十七  
 羅始鬼 旱應坵 羅始偃 第十四都管一保正一大保一團長十三  
 隊六十二甲三百二十六家 王村 趙店 第十五都管一保正七隊  
 三十五甲一百八十三家 羅刑 亂石 白沙 第十六都管一保正  
 四大保三十一隊一百五十五甲八百一十一家 董坵 斜毛 斜桑  
 浪始菜 母村 瞿村 馬村 烏豆痘  
 大洞耆 第十七都管一保正十三隊六十五甲三百三十九家 石人  
 波岸上有二石人其來遠矣故名 李茆山 九亭坡 趙坵 何村  
 程村 牟村  
 羅隆耆 第十八都管一保正四大保三十一隊一百五十五甲八百一  
 十一家 尹市 慰斜 皂泥坵 楊村 李村 黃村 關 石村  
 第十九都管一保正四大保三十一隊一百五十五甲八百一十一家  
 小羅兒 下羅兒 謝村 梅始干 楊村 走馬龍 朱村 第二十  
 都管一保正四大保四十隊二百甲一千四十五家 扶戶五十八 牟村  
 石礪市 段村 母村 文村 茅箭村  
 城外耆在縣城外分為東西耆 第二十一都在縣城外東一保正八  
 隊四十甲二百九家 北村 范村 龐村 夷牢口 第二十二都在

# 永樂大典

## 卷二二二七

縣城外西。管一保正。十三隊。六十五甲。二百八十九家。水中堤 南門

舊江安者 第二十三都管一保正。三十一隊。一百五十五甲。八百七家。

大碇堤 清溪村 張村 趙村 二保村 牛項村 鐵盤村 第二十四都管一保正。三十一隊。一百五十五甲。八百七家。江安堤 羅勇

村 大池頭 蒲村 回程村 漏窓村 第二十五都管一保正。一團長。三十二隊。一百六十一甲。八百三十四家。納溪寨 燕樓 漏洞 趙市

羅東者 第二十六都管一保正。四大保。一十二隊。六十甲。三百一十七家。青山脚村 權村 梁村 曹村 楊村 白米莊 第二十七都

管一保正。四大保。八隊。四十甲。二百一十三家。三清堂村 任莊村 貓兒埡 萬納窩 雷大面 梁村 向村 第二十八都管一保正。五

隊。二十五甲。一百八十一家。王漢口村 始賴堤 母村 九亭堤 舊市堤 高店 堆子堤

生南者 第二十九都管一保正。四大保。四甲。一百一十三家。附保一十七家。大洲堡 立黎村 特眉堤 江門寨 木樞村 周村 紅白

### 永樂大典卷二二二七

### 三

沙村 侯村 第三十都管一保正。四大保。一團長。二十一隊。一百五十五甲。五百五十二家。銅鼓坎 大增堤 赤沙朱 板橋堡 黃沙坎 樂

共城 水車堤 東村 姚村 蒿枝堤 梅嶺堡 馮村 馬村 政和堡 落茹村 博望寨 水羅甘村 王李村 鎮溪堡 大劉村

赤崖村 大李村 第三十一都 三十一三十二都。共管一保正。一副保。六隊。二十五甲。一百五十七家。安遠寨 羅改 沙水井市 賴顯村

來令 任村 董村 第三十二都 羅箇那 低蓬 菁口村 落特 紅 羅林補 梅特連 周村 高店村 羅始王

合江縣江陽譜本縣一鄉七里二十都 梓符舊堤。管一鄉二里。鄉曰安魏。里曰善理。江止。九城志。二鄉六寨。鄉名不載。舊曰通堤。青山。安溪。小溪。帶

頭。使君。今止以都係里。以保係都。以隊係保。以甲係隊。縣市廟圍管一廟司。一團長。二十三隊。一百一十五甲。五百九十六家。

白皓里在縣 第一都管一保正。四十五隊。二百二十三甲。一千一百六十家。大葛樹 史渡溉 王市鎮 吉子坎 第二都管一保正。四十

五隊。二百二十三甲。一千一百六十家。周村 裴村 開書埡 安溪里在縣 第三都管一保正。一團長。二十六隊。一百二十七甲。六百

六十家。先市鎮 尹市 第四都管一保正。二十八隊。一百三十八甲。七百一十九家。趙村 周村 雙堆 蘭市 盧村 村 雲翔里在縣 第五都管一保正。七隊。三十五甲。一百九十三家。活堰 羅趙村 第六都管一保正。四十一隊。二百二甲。一千五十二家。箭口

高洞 史馬市

水北里 第七都管一保正。四大保。二十隊。一百甲。一千二十八家。白

市 丁石堤 書巖 第八都管一保正。十隊。四十七甲。二百四十四家。

白沙市 馬村 李樊堤 黃渡溉 先渡溉 重村 第九都管一保

正。二十七隊。一百三十二甲。六百八十六家。鄭村 大文村 翼頭堤

第十都管一保正。十七隊。八十四甲。四百三十七家。樂巖 李村 路

村 金釵陵 第十一都管一保正。十三隊。六十五甲。三百三十九家。

石皮籠 野茶溪 魯磧

白馬里 第十二都管一保正。二十隊。九十七甲。五百六十八家。楊市子

安漢寨市 第十三都管一保正。十五隊。七十六甲。三百九十六家。蓮

堤寨市 上七村 白馬堤 第十四都管一保正。十三隊。六十一甲。

三百二十四家。王巡檢堤 傘蓋木 第十五都管一保正。五十三隊。

本縣各寨卷之二十七

三

二百六十二甲。一十三百六十四家。舊市 梯頭 九支寨市

帶灘里 第十六都管一保正。十二隊。六十甲。三百一十三家。石朋堤

橙于堤 田溪

中富里 第十七都管一保正。十三隊。六十五甲。三百三十一家。舊州

堤 先德堤 仁懷堡市 綏遠寨市 第十八都管一保正。十九隊。九

十三甲。四百八十四家。月波堤 丁公山 呂村 官堤 何市 獨

昆 第十九都此一都。係上帶灘里地。管一保正。三十隊。二百四十九

甲。七百七十家。馬市子 高坎 平泉寨市 四斗坎 第二十都此

一都。係上雲翔里地。管一保正。八隊。三十九甲。二百四家。合口 史

君寨市

橋

本州江陽譜濟遠橋 出朝天門外百步許。即小市堤渡口。歲為浮橋。設於

五冬之旦。撤於五夏之朔。皆架舟為之。用木板鋪橋。取辦於縣。八夏兩江

合漲。盡沒沙積。江面洶湧。不可履。則以舟濟。舊小市鎮。居民九千家。東

江夏漲衝頭。今存者僅十之三。嘉定八年。范公于長募工編竹籠石。為水

堤一百二十丈以紓之。其兩岸為二象鼻。公樓諸於朝。乞以二年一修。得



音。勅石於南。今墓草如故。而龍石深矣。芙蓉橋在壯猷堂之後。紹興末。晁公公武建。列盆植藕。挾掖橋外。故名。某公介詩云。法剎摩騰。六月早蝶石。偷柳秋不種。蛇涎冬不蟄。長橋坐清虛。足以度朝夕。及井埋深。盆。芙蓉。開紅白。幽香自氤氳。南薰為披拂。雖無十丈花。有藕亦如雲。

### 渡

江陽諸中津渡在郡東南三里。俗呼中渡。夏水滂。則鋪驛從此渡。以達于白木鋪。水反涸。則從蒼崖渡焉。蒼崖渡在郡東二里。亦曰江東渡。渡岸有羅氏誓水碑記。盤石渡在郡南四里。亦名南田渡。前達南田堤。胡市渡在郡西北三十里。水自昌州界赤水溪入于郡境。踰嘉葫市七里鎮。達于此渡。而下入于江。可通小舟。大渡在江安縣北。元一統志餘甘渡。王象之輿地紀勝云。餘甘碧實圓。晚峯一門。渡口依岸成林。魯國先生唐庚題瀘川縣樓。所謂餘甘渡頭客艇是也。西蜀編云。淳祐中。四川制置余玠。列戰船于此。范丁孫曰。今是餘甘渡戰艦也。寰宇記。瀘津關。有瀘峯高三十丈。地多瘴氣。若三四月經之必死。非時猶令人悶吐。若五月上旬渡之。即無害。故諸葛亮五月渡瀘是也。

### 園

### 永樂大典卷二百七

### 園

江陽諸漏澤園。崇寧二年。侍其公璣置。是年二月。中書省勅會四方人物。繫度。有無以葬者。不可勝數。人州縣難得私地。以充瘞藏。拾會元豐中。嘗詔以官地葬枯骨。今當追述成憲行之。舊園在城西真如寺之右。新園在寺之對。淳熙九年。丞相趙公雄帥此邦。適值歲歉。丐十萬緡於朝。以備賑給。死者葬於其中。命開福真如二僧掌其事。事畢聞奏。有旨給二僧紫衣師號以獎之。脩東園。郡國有園。其來尚矣。豈果為逸遊計哉。非風景寬闊之地。不足以發性識之高明。非草木舒暢之物。不足以見造化之生意。是於臨政蒞事。不為無補。故君子取之。瀘舊有園曰熙春。詳見前議。大蘇弗治。頽垣障翳。礙目。嬰懷花柳。無慘風月。用廢。帥守尚書楊公鈞荒洞室。跡為三徑。以暢盤旋。自德禮堂之後。得故亭榜曰抱膝。架橋曰太一。蓮。以達池亭。亭曰方壺。後復架橋達淇奧。曰八月槎。淇奧之後。得書室。移遂志齋。顏以揭之。循觀音堂而左。曰列岫。曰浮月。曰朝陽閣。曰護寒。皆公之所更葺也。復自抱膝之左。結茅曰草蘆。自草蘆直北。曰月窟。曰清菴。經達園門。曰清風園。又自草蘆。而左為桃李場。復為日涉。即江陽書院舊址。自桃李場而北。直貫四香亭。夾煙為二庵廬。東曰秋巖。西曰春塢。是園也。地據平陸。雖有池臺亭榭之美。而無徑丘尋壑之意。較之西北二園。若為。

惟池塘在淳化中有二蓮同幹之瑞事見國史祥瑞志則獨為最古云初  
西園。治寺之壯猷堂西偏有廢址積穢崇於丘取土深於淵旁通鈴幹  
廳右傍山後瞰池有巖壁林麓之狀帥守尚書楊公闢為西園自衙西而  
入堂曰東川道院堂後有荔丹為郡治絕品即其下作自知亭取杜少陵  
紅顆酸甜只自知語蓋言瀘戎之荔丹也其亭兩廡東曰橘中之樂西曰  
山中之樂亭後為時基崇三尋可觀雲物以卜豐歉循基而右綠石磴越  
小橋曰雲雨觀取范石湖樂府借君南定倚欄干和雨和雲仔細看語自  
觀而東有亭介於園池內水之間內外水光映澈明了舊曰五柳易以冰  
壺自觀而南石徑緣坡寄小亭於懸巖曰環觀取柳子厚桂山語自觀而  
下東會于道院又東曰環翠又東曰映紅自映紅而北曰粹芳曰錦繡谷  
粹芳取離騷經中語錦繡谷則下俯深池如在巖谷之底池舊繞半谷余  
皆公所新鑿焉異木名花幽草靈草牙排基布蔭匝柯交春則有牡丹海  
棠予以散明良千載雲龍風虎之期天挑艷李予以賞禱袖縞裙列屋閑  
居之奉又有幽蘭被逕紅葉翻塔夏則有海榴噴火撫之而知西域之出  
使可尚矣丹荔含漿揖之而知涪陵之誤國可自幸矣又有鹿蔥鮮憂柱  
節森衛秋則有黃花薦脩齡之酒籬邊之醉何達歟芙蓉集初服之裳澤

畔之吟何憂歟又有丹桂浮香綠橋登坦冬則有江梅一色傲雪欺霜直  
與竹君爭雄角立雖林和靖之湖邊王子猷之林下殆不是過於時也  
俯欄檻於穠陰隱映之間步梯磴於翠阜紫紆之際擷英攬秀漱潤含芳  
四時之樂雖或不同而天地萬物之理皆為我用非有道者能爾哉此園  
也而以道院名吾始見其非特簡靜無事而已也恨未有記之者用敢詳  
焉北園 園在北巖之上有堂曰北定取孔明出師表中語仍大書其  
表於屏待制范公于長為之記此堂後有堂曰卧龍堂上揭樓曰  
英高取揚戲孔明贊中語堂後有徑通桃源自桃源之前梯山而上曰橘  
洲過橘洲曰道山過道山而上得一峯如瓢榜其頂曰圓嶠自橘洲而西  
有特立葦小亭其上名曰蓬丘又當屢屨作小亭曰無盡藏尤清遠是園  
也雖無花木之秀然兩江橫陳羣岫環列奇形異態在在不相同則又非東  
西園所能及皆帥守尚書楊公汝明昉為之寺簿應公鏞為之記記見文  
類善乎柳州退山茅亭之記曰公之因土而得勝豈不欲因俗而成化公  
之居高以望遠豈不欲家撫而戶曉視其細知其大足為來者之楷法余  
於是園得之。

風俗形勝

# 永樂大典

## 卷二二二七

本州圖經志瀘之風俗質朴淳厚尚文義而鄙利慾不好詞訟氣候偏陽昔元時地廣人稀四方之民流寓於瀘者倍於版籍所載欽惟

聖朝瀘之附籍者雜四方之民也謹按方輿勝覽云華陽誌所載東接巴郡南接祥柯西接犍為北接廣漢以今考之東接重慶南接永寧宣撫司西接嘉叙北控潼漢左挾資江右通汶水州城肘江員山枕帶雙流舟車之要衝也寰宇記地無桑麻每歲畬田力耕火種其夷獠則與漢不同性多獷戾而又好淫祀巢居巖谷因哈憑高着班布擊銅鼓弄鞘乃男則露髻跣足女則椎髻橫眉夫亡婦不歸家葬之崖穴刻木為契刺血為信街寬則累代相酬之用則鬻賣男女其習俗如此郡縣志漢地理志云犍為祥柯皆西南徼外武帝初開置民俗與巴蜀同華陽國志云江陽之俗朴野少儒學蓋天性也今戶口繁溢風俗視舊益美居民生計便利故僑寓者居十之七然地接夔渝尚巫祭鬼俗亦以似之自唐高宗時開洞招獠新創城邑瀘州為都督府統十四州地皆夷境姑為羈縻瀘州之境接連東蠻烏蠻烏蠻與南詔婚姻分七部落居曲靖州故地又有邛部五姓初叢五姓皆烏蠻也居邛部臺登間邛部臺登即諸葛亮平南夷所置雲南郡唐之姚州也宋朝大中祥符六年晏州夷人斗望劫清井監詔

內殿崇班王懷信討之深入多殺既平上謂王旦曰蠻人侵軼當遣使撫過以禽獸蓄之殺之何益當務綏懷俾其安靜自慶曆二年烏蠻得蓋求為部落長詔以其地為姚州給刺史印自慶曆至皇祐間夷人亦屢犯順旋即討平熙寧七年晏州夷人自清井入寇命都官員外郎熊本為察訪使討平之又撫納烏蠻酋長斧望箇怒及其子乞弟皆內附至元豐元年因納溪寨居民與羅苟夷爭魚苟謀殺之夷怒犯納溪詔韓存寶討之乞弟助平羅苟而賞不及旋入寇官軍陷敗天子震怒斬存寶命環慶路馬步軍副總管林廣發府界及環慶涇原梓潼湖北之軍三萬人又以開封府兵駐南平為聲援廣兵深入至歸來州城賊悉伏葭葦中乞弟匿不可得廣出詔班師兵連五年死於行者四萬餘人費婚錢百餘萬其後遺患稍彌至政和間復以守臣賈宗諒失於撫馭晏州熟夷首領卜漏入寇結連十餘萬衆陷梅嶺堡圍樂共城轉運使趙通與宗諒討之權行招安夷虜相繼納款卜漏偽降以誘我旋復拒命詔熱宗諒以康師魯代之發諸路兵合三萬餘人以通為瀘南招討統制使深入其地兵久無功以熱中土丁梯石登圍出其不意卜漏走擒之戮於瀘州餘黨悉降斬獲七千餘級費婚錢一百九十六萬於是乞弟之子阿水始詣通投牒願復歸順通

秦開補阿水夷界都大巡檢使。歲入中馬相傳。今數世皆承襲衛邊。其所自述猶稱阿水馬。與地紀勝東接巴郡。南接梓柯。西接捷為。北接廣漢。華陽國志先有王延世著勳河平。後有董鈞為漢定禮。華陽國志。江陽郡下。西連雙道。東接巴渝。南望夜郎。梓柯。鎮遠。樓。記。瀘。為。州。肘。江。負。山。自。西。南。來。如。人。臂。臂。轉。掌。覆。布。五。瓜。劉。正。字。城。西。李。氏。園。序。氣。候。偏。陽。夏。秋。多。炎。燠。冬。無。苦。寒。句。公。推。瀘。川。縣。解。記。又。云。每。夏。秋。蒸。薄。公。餘。懼。仰。如。傳。梓。大。姓。稱。瀘。古。已。于。國。滄。流。東。北。貫。其。隅。墮。山。西。南。蟠。其。城。仕。假。開。補。守。記。郡。得。名。為。瀘。李。暹。西。山。堂。記。曰。郡。得。名。為。瀘。者。蓋。始。因。梁。大。同。中。嘗。徙。治。馬。湖。江。口。置。瀘。州。蓋。馬。湖。即。瀘。水。下。流。當。時。於。此。立。州。因。遠。取。瀘。水。以。為。名。取。瀘。水。以。為。名。東。字。記。五。月。渡。瀘。諸。葛。武。侯。南。征。使。李。恢。自。建。寧。為。志。自。梓。柯。而。身。自。出。越。萬。五。月。渡。瀘。世。未。有。原。其。說。者。方。吳。蜀。之。分。五。漢。諸。夷。遠。接。益。州。四。郡。雖。不。能。為。害。然。有。事。之。際。待。之。即。獲。故。先。主。伐。吳。使。馬。良。招。五。漢。諸。蠻。授。以。官。爵。五。漢。之。南。即。益。州。梓。柯。郡。界。及。先。主。敗。於。梓。歸。益。州。四。郡。皆。叛。應。王。高。定。志。雖。於。越。萬。雖。隨。蹙。走。於。建。寧。未。幾。反。叛。於。梓。柯。聞。又。受。吳。之。爵。執。蜀。刺。史。嚴。高。以。與。吳。安。然。不。忘。此。非。獨。以。險。遠。為。心。蓋。益。州。四。郡。上。可。據。巴。峽。以。為。奇。下。可。通。湘。廣。以。備。敗。自。漢。以。來。益。州。四。

永樂大典卷三千三百七

三

郡。皆。士。大。夫。主。之。非。獨。蠻。夷。而。已。公。之。南。代。蓋。以。杜。塞。四。郡。歸。吳。之。心。使。四。郡。根。據。於。吳。遠。結。五。漢。諸。夷。則。已。峻。非。漢。有。也。傳。所。謂。因。其。首。豪。擒。縱。孟。獲。使。之。不。叛。者。持。公。之。餘。暮。耳。事。見。叙。州。圖。經。李。嘉。謀。武。侯。祠。堂。記。容。齋。隨。筆。云。淳。化。中。李。順。亂。蜀。招。安。使。雷。有。終。遣。嘉。州。士。人。辛。怡。顯。使。於。南。詔。至。姚。州。其。節。度。使。趙。公。美。以。書。來。迎。云。當。境。有。瀘。水。昔。武。侯。戒。曰。非。征。討。百。獻。不。得。輒。渡。此。水。苦。必。欲。濟。須。致。祭。然。後。登。舟。今。遣。本。部。將。資。全。龍。二。條。金。錢。三。十。文。併。設。酒。脯。請。先。祭。享。而。後。渡。事。見。辛。怡。顯。所。作。雲。南。錄。王。象。之。又。按。唐。書。志。姚。州。雲。南。郡。下。有。瀘。南。縣。則。瀘。水。當。在。姚。州。與。辛。怡。顯。雲。南。錄。相。合。土。地。雖。迫。山。川。特。美。有。監。井。魚。池。一。郡。豐。沃。華。陽。國。志。漢。安。縣。下。據。江。洛。會。枕。帶。雙。派。與。地。廣。記。瀘。控。西。南。諸。夷。遠。達。蠻。蠻。最。為。邊。隅。重。地。元。豐。以。來。置。守。率。用。武。臣。其。後。始。置。儒。守。政。和。六。年。孫。義。叟。修。城。記。又。云。自。政。和。乙。亥。始。置。儒。守。瀘。自。元。豐。間。始。建。沿。邊。帥。府。乾。道。六。禩。升。領。劔。東。一。道。十。五。州。權。任。益。重。李。暹。西。山。堂。記。熙。豐。以。後。地。望。加。重。梓。夔。路。兼。都。鈐。轄。置。司。在。焉。視。成。都。之。兼。利。益。路。每。相。抗。衡。乾。道。間。詔。總。潼。川。路。帥。鎮。遠。樓。記。江。安。隋。舊。邑。也。驛。為。舟。車。往。來。之。衝。其。外。即。與。西。南。夷。接。熙。卷。記。又。云。自。唐。開。導。風。之。帥。出。入。於。此。而。元。豐。以。來。開。罪。之。帥。亦。

由此啓行蜀偏西南地勢處坤。尖劉拓開與夷爲門。王府一畫吟哇乃分。聖矣未真人出。而爲吾蜀慮也。史于震鎮連權賦。最近蠻獠。尤宜撫綏。連累。太祖開寶八年。上召斬瀘州刺史。先於構武殿。謂之曰。瀘州最近蠻獠。尤宜撫綏。方與勝覽。本漢江陽華陽國志。瀘川縣云云。昔漢光武徵時。過江陽有一子。望氣者言江陽有貴兒。孫王求之。縣人殺之。光武怒。爲子立祠。請江陽人。不使冠帶。

江安縣圖經志風俗 謹按本縣風土。民俗敦厚。頗知禮義。勤於農務。不事工商。形勝 本縣東至納溪南控戎蠻。西接叙雙。北界富順。前瞰山嶺。後枕江流。清水出其右焉。

納溪縣圖經志風俗 本縣曩因兵革之餘。居民十無八九。附籍者皆四方流寓。因而成家。民俗鄙朴務農。少知文義。亦風土所處焉。形勝 東接瀘川。南控蠻徽。西接江安。北界大江。城枕夜郎溪之上也。

合江縣圖經志風俗 謹按本縣地隕山多。居民鮮少。俗尚質朴。不務工商。耕稼爲業。形勝 前列翠屏。後倚觀山。東接巴渝。南控播州。右枕安樂溪。左俯大江水。其流自左而朝于東也。

永樂大典卷二千二百十七

天

本州圖經志瀘州并三縣戶口 實在人戶。壹萬二千七百一十一戶。人口壹拾壹萬五千六百四十口。

本州軍民匠宦僧道。八千肆百八十六戶。男婦五萬七千陸百玖拾口。人戶八千三百二戶。人口七萬四千九百五十一口。

江安縣圖經志軍民匠宦。二十九百九十八戶。男婦二萬一千二百七十八口。永樂實在人戶二千八百一十四戶。口二萬七千七百三十口。

納溪縣圖經志兵革之後。並無卷冊。今入版籍。軍民驛鋪等戶。四百六十七戶。大小男婦二千七百九十八口。永樂實在人戶五百三十二戶。口三千七百八十口。

合江縣圖經志軍民戶口一千二百九十五戶。男子婦女八千二百五十六口。永樂實在人戶一千六十三戶。口九千二百五十一口。

永樂大典卷之二千二百十七